


WAIMINITSA TYOTYA ZAKOTINAE



HOTIKITSATYATI

Waiye kaitsera hara kanokwahaliti nomane, hotya-
liti aokita waiye hawenane tahi!!
Kanokwahaliti atyo wenati waikyatehare, hakakwa
tyaon wenati makere. Hoka kanokwahalitinae tehi-
tiya kajimiyatya: hahaikyoaheta eye haikyoheta,
zawaiyoretati, hateniti waiyeze, wenati haiyanae
zaiminitsatyati makere.

Wenati waiye tyaona maheta eye aimititsa tyotya
wenati, zahekore, idyaiti ahekoitere hawenane
aho.à
Eye babera tyotya hakakwa awaiyekehalakaita
haikwahatyati tahi, hoka tyotya kajimiyatya
maheta.
Eye babera waiye kahinaitya, aidyehalikitsa
tyotya eye haikyoatyatiyena moka hetakatiye-
nae maheta.
Tyotya waiye kaiyarezatyati!!!

Hetakatyatiye **CARLOS ALBERTO ALVES DA ROCHA**
Presidente do TRE-MT

Hetakatyatidyo **NILZA MARIA PÔSSAS DE CARVALHO**
Vice-Presidente e Corregedora Regional Eleitoral do TRE-MT





ZAWAIYEKEHALAKATYATIKA

1) 1. EWAKETI, WAIMINITSA
KAKWA EYE KANOKWAHALITI

2) KAOTSETI WAIKYATEHARE

3) TYAKEKOTYATI

4) TYAKEKOTYATI ZAOTOTATYAKALA

5) ENEHAIKYOARENE

6) MAOTSERARE

04
07
14
15
17
22





1) EWAKETI, WAIMINITSA KAKWA EYE KANOKWAHALITI

1.1- Zala natyo eye haikwahatyati idyaita notahi: hatya idyaiti eye nozaokaki notahiyakahare

Haikwahatyati idyaiti nahitita zaiminitsati aokita tyotya hoka wotehe-naete wityotya WITAHYAKARE zakai-hare kakware witsaoniterenae akiti!

Idyaiti ekaitsehare haliti “kaitse-rehare tyaonitere” akiti enawenane. Hitahiyakahare ikinyaotseta tyotya kawayakita ezakaihakala!

Hitahiyakare hawaiyoreta?

Haliti tyaona waiyeakiti maniya hatahiyakare tyomiti hawenane tya-onitere hakakwaniya. Hatya hawenane hazahekolaho, tyotya ferakenenae tyomita hahotikitsa, tyotya kazahekolere tyomita tyotya ferakene zema. Hitso haliti atyo wita-hiyakahare wawenane kakwa.

Zoare la witahiyakahare kaitse-rehare?

Witahiyakare kaitserehare tyaonita eye witsaonitere hare akiti eye WIKE-HEZOAWITERE akiti. Ehohitsakwane hokotya ya zoare zamani tyakekoita, idyaita, alyare kaimita, hawenane kakware, hokotya, hatyo hiyeta hotikitxita ehawareharene ena-wenane.

Haiminitsa hitahiyakahare eye mawakakahare hoka waiye tyaona kazaiminitsaka hahotyalihare aimi-

nitsa maheta!

Nawaiyoreta nokakoi, naiyatelikitsa nawenani eye nohotyalihare aityalik-itsa nokehezowi, aitereze, winyahore eye txihiniti.

zoana heko la wawaiyoreta, mainikere wawenane kakwa! Tyotya ferakene hitsomiterehare haokiterenae! Hitsota “hatyakaitsa” hawene!


Kalini, widyahene haikwahatyati tahi! Hidyae hakwahatyati tahi hoka wenati tahi hidyaeta, eye winyaho hatyo hitiya hetakatiye zomokaka!

Kajimiyata tyakekotyati zaototatya-kala tyotya anere tyaonita wihotyali-nae hoka witahiyakahare tyomita, ikinyaotseta kazemeretita hahotyali-hare nawenane!

Zoare hare kanokwahaliti?

1.2- Hitsomitere wenati waiyeze tyotya ana: Hoka hakakwa kazaiminitsa tyotya hotyaliharenae ana. Widyaine nahitita wenati waiyeze tahi, waokita idyaiti eye kanokwahaliti tahi.

Waohenaite hatya kanokwahaliti hatya haliti, Hatya waikyohe waik-yate, tyaonita kaotseti waikyatehare, hateniti kanokwahalitinae kakwa.



Zoare eye kanokwahaliti enawenane?

kanokwahaliti nawenane waiye kaitsererehare tyotya, ehotyaliharenane ana kanokwahaliti aokitere hawenane aho! Hakakwa Kanokwahaliti nawenane, wenati kakwa. Kajimitya wenati kanokwahaliti ana: haikwaheta kahaikyoatyakeheta, zaotyakitsati, hatenite, wenati waiyeze, haohiyene kitxiya.

Wenati waiye tyaona maheta eye aiminitsa tyotya wenati, zahekore, idyaiti ahekoitere hawenane aho.

Niyakere, kaketa wenati kaikyonitxita hahotyali tahiyakahare waiye kehezoawita.

Zoare la hoka wenati kaketa?

Wenati kaketa kaikyonitxita waiyekehalakitere eye zaiminitsati hahotyalihare nawenane, hotikitxita mametaharenitya tyoma maheta eye afhitxita enidyaine, hakakwa idyae maheta hahotyali nekoni, hetakatiye zomokaka maheta!

Hokotyaiya, tyakekoti zaototatyakala, wiyaiyehena hakakwa kanokwahaliti nawenane, hokotya kaotseti waikyatehare haikyoaheta maheta, ezahe hoka wiyaiya wiketa nawenane, wakazemeritita tyotya nawenane tahiyakahare!

Waiyekehalaka maheta widyaitseharene, hokotya eye Boaventura Souza Santos nidyaïne:

“Hakakware wakazemeretya, tyotya wenati tahi kazaiminitsaka hakakwa”.

Kajimiyatyati! Waiye hawenane tahiya-kahare hitsoma maheta!





2) KAOTSETI WAIKYATEHARE

2.1-Hakakware zahekore

Hokotya kawaiyakita kaotseti waikyatehare, wenati waiyeze moka tyotya enaheta maniya. Alyakere? Haikyoahatyati zema, kazomokaka ehatene hiye, ehokoreze ekaitserhare waiyeze maniya.

Hihyatene hiyeta hikyanalyaotse tyotyanae kanokwahalitinae, alyakere: waiyehena iya hitahiyakahare hahai-kyoaheta maheta, hahai-kyoaheta, het-

akatyati maheta, hahotikitsa, hitsoma zahekore kanokwahaliti zazane. Hamaniya, maihya zala zamani ahetakati waiye tyaonare, hoka maihya alyakere zoare hiye hakita kanokwahaliti kakwa.

Hokotya, zaiminitsati, hiyeta atyo kaomakita kajimiyatya zahekore, hateneti enaheta maniya.

2.2- kinyatya zola eye fihityaona maheta

Hatya waikyohe hazahekola moka. Nikyare kanokwahaliti aokanikixita hazekohats, waiye hakanokwahare-nae kakwa haka maheta. Metereta kahakyoahatyakehetehena.

Haiyanae waikyohe, hokotya Estados Unidos, kajihyatyakere aokanikehena zekohatseti. Hatyo hiyeta atyo aokowitaha kanokwahaliti fihit mokare hazakohatse, hawarehare atyo ali witsaonitere kakwa (Brasil) kazomokakita hetakatyiyaena.

Metereta kanokwahaliti haikyoahitita waiye tyaona maheta, maihya zala komaniyaita, eniyatere ezahekola kakwa.

Ehaikwahane emiyane, hakakwa tyaona zahekore kaitserhare kanokwahalitinae ana. Aitere zakore tyaonita hoka maiha kazaiminitsaka kere. Wahehena ohidyona, mazaimyanehare hakiterena, aliwaikyate hare-nae, maiha kahaikwahatyakeheterene. Maihya hatyo zowaka mailozahare haikyoahetere, kaolozere taita haikyoahitita.

Wahakiyehena hoka waiye zahekore

tyaona, zooreta tyotyakiti, wenati, zahekore kinyatere tyaonita hakakwa makere, wihaikwahane kakwa wakajimiyatya wiyahakola wiyakyoheranae.


Waiye kanokohalitinae nawenane tyaona maheta - haikyoaheta hatya ana, haomana zoaha - ekinyatseta atyo hakwa tyotya haikyoahatyati waiyeze, kaitser maniya enahitia mokita (eyena zaokaka atyo awaiyekehalakaita makere), eyena ite afhitsa hajikyako zakini waiyezeta kanokwahalitinae moka ahetakatiyena.

Hokotya hetakatyiyaena zowaka atyo kazaikotyatse atyo niyahare, aototaita, kolatyati, nakaidyati, niyahare. Maihya kazaiminitsaka zoare ehai-kyoahaneheta kakwa! Zotehenaite zeare kazomokaka hiyeta kazaokanikitsaka maheta, hikyazaikyoawi, maiha zoare ehaikware hitsoma maheta, eye zahekore kaitser zema katyaonakehena waiye kaimine niyahare. Hidihyare hitsaonehena hiya-okanikidyahare kakwa.

Nikyare himehezaikyo hitsaona ehai-kyoahaneta hatya waikyohekwa: kaketa ehaikyoahaneheta tyaona,



Haikwahatyatiye ako maiha alyakere tyaonita hatizotse maniya? Haikyoahatinare niyahare, maihatxiyatinae waiyo maheta.



hatyo hiyeta tyakaihena tyotya zahekore kaitserhare, maiha maotserare tyaona maheta, maiha tehitiya enako kaiyakanetita.

Hitso haikyoohatyatiye haiminita maheta. Hakahinyaeta maiha maotserare, idyaitseti tyaona maheta kanokwahalitinae koni.

Kalikini jikyako idyatyakalati, widihyare witsaonehena, wiyaia waiye idyaiti, maiha idyaiti ekaitser hare jini kaokitere womana. Zajikyazere emetalahare, ewajidyahare ya moka wenati, hatya wenati ekekoreze tyaonitere. Wiya witsoma ehekoreze maniya? Awa himyawaiyane eye maotseratyati eye baberananeckware.



Maiha waiye hekezoawiye haikyoohatyati (hokotya ya kahehaliti hiyeta), hoka waiyehena ya hemaitaheta haikyoohatyatiye hajikyakotse? Hatyo jikyako atyo haikyotitiye maiha tyomitahitita. Zatsema zaototyakalati nali!

2.3- waiye kehalakita womana eye zahekore waiye maniya tyomitere

waiye kehalakita womana eye zahekore waiye maniya tyomitere, haikyoheta haikyohatyatiheta. Hetati waiye kehezoawita haikyoaheta, hokotya, moka ahetakatiyena, haikyoohatyati hiyeta.

Kozaka ya waiye kehalakita womana eye zahekore waiye maniya tyomitere, haikyoheta, haikyohatyatiheta. Kanokwahaliti memere tyaonita zawatya maheta, hatya hateniti ahetakatihiye zakini.

Zala ya waiyehena haikyoaheta, zala ya maiha haikyohahitita?

Maiha alyare himaomaneta Haikyoohatyati, hamaniyerehena eye 18 terehokwane hena, ite heare haikyohatyati niyare hamohena.

Hiyakaolitehena eyena jikyakore, hitsaonita ya hokotya hiyoimyahaliti, hibaiyohare maiha hahaikyohitita.

Mahaya aliakere haiyare haikwahatyati (maheta eyena): hazakore zaidyatyore aliyona zamani tsorare hatene tyomita hoka), Zalanae zamani nikareze tyaonita hoka. Maiha aliyakere haikyohitita, haikyohatyati zowaka hawaikyoharakwa.





Quem pode e quem não pode ser candidato?

Zala ya waiyehena zawatya, zala ya maiha zawaita?

Zahokore kaitserhare atyo ekaotyakaita eye hiyaokanekidya (tyotya aokitereharenae kanok-wahaliti). Eyenae:

- hatyokware ya hitso;
- tyaonita kaitserhare eye zaiminitsati;
- hitsomita haikyohatyati;
- Kozakitita hitsaonita nali;
- hakaikonitsa;
- enawenane terehokwane, ehatene hare hiyeta;

18 terehekwane Hetakatyatiye zoimyahaliti

21 terehekwane Hetakatyatiye zoimyahaliti meketse akore

30 terehekwane Hetakatyatiye inityohaliti

35 terehekwane Hetakataetiye inityohaliti kaitserhare



Maiha aliyakere tyomita (Hazakowarehare) mazaidyalahare hateniti hiye, maiha zoare waiyoreta.

Tyotya zahokore kaitserhare ijihyatyane hiye kazomokakita kanokwahalitinae ana eye haikyohatyati, hoto hiye tyaonita zala zamani waiyehena kazaokanikitsaka.

Eye makokwanetiterenae kazaikyota tyotya eye ehaikyoreze maniye, afihitxita tyotya haikyoahatyati hiye, eye zahokore kaitserhare 64/90, aizahitita, katxiyanitita waiye nawenane (zahokore zaihotetyakala 135/2010). Hazeroreta, kazomokaka eye kazaidyatyakitere hiye tyoona tyotya akiti eye zahokore kaloreze kaitserhare eye haikyoahatyati hiye.

Aliyakere ya hamokoawi? (hitahiyakare hiyeta)

Hitahiyakare hiyeta (RCAN) atyo ekaitserhare wamokowi kaotseti waikyatehare haikyoaheta maheta. RCAN tyaonita hanekwa hakaitsita hitahiyakahare maheta eyeo tyakekoti zaototatyakala, hakajimi-yatyakala idyaite zaototatyakala.

Hitahiyakare hotikitsa maheta:

- Mahaikwahanehare hikyanalao-tseta niyahare;
- Maihya ehokore tyaonare, hoka maihya aliyakere mokoawita hai-kyoahatyati hiye.

Kawaiyakita ezazane Tyakekoti zaototatyakala nali, ehokoreze ya tyaonita ezazane waiyehena mok-wawi.



Hamokowi henereaotse haikyoahatyati hiye, hotyaliti kazaiminitsaka ena ohidyo ana zoaha? Maiha ya aliyakere ena ohidyo taita kazomokatita, hokota tyaonita 30% eye 70% zema ite witsaona.


2.4- kazomokaka hitahiyakare

Tyotya alikwa waikyateharenae eye zoimyahalitinae atyo haikyoaheta maheta. Wawenane waiye kehalaka tota tyaona maheta, witahiyakahare waiye wazakaitsa hoka kazekakehena haikyoahatyati niya-hare.

Kazomokaka hitahiyakahare maheta, hiyane ya zahekore kaitserhare nali, zoana zamani ewakiti hitsoonitere nali. Hatya hat-enityatiye ite waiyehena hitahiyakahare waiyeheta hoka azeheha ajikyahena het-akatyatiye ana.

tsemakatyakalati zema waiyehena haza, hakaitsetya tyotya hitahiyakahare tyake-koti zaototatyakalati,eye idyaetyakalati zema,kahinyaetita tyotya mametaharinita hatenityatiye ana zajikazere zema.

Jitsoati hiyetaite hiyeta haikyoahatyati kaomakita hazerore eye zotseti kawaiya-kitere kakwa.





Waiye kaitserhare! terehokwati tyaonita, kamaiketehehena onehetehehena, maiha aliyakere haikyohati hitsomita, mahiya aliyare hamaniya hatxiyakitxita.

Haikyoohatyatiye maiha ya etahiyakahare enaotse atxiyakitxita tyakekoti zaototatyakala ana zaneta. Zajikazatyakalati jimita hitsoma hitahiyakahare, ferozati tyaoniterenae ekatyaheze hiye:

Haikyoohatyatiyenane hiye idyaeta kazomokaka eyenae maheta: 1) haikyohatyatiye neare;2) etahiya-kahare feroza;3) enawenane terehokwane ;4) inityo nealo;5) eneye neare (otene atyo kaneyeze kanityore zoaha).

Ehotyali tahiyakahare, hoka etahiyakare feroza hiye idyayeta tyotya.

Etahiyakahare idyayeta: 1) haikwahatyatiye neare; 2) enawenane terehokwane; 3) inityo nealo; 4) eneye neare (otene atyo kaneyeze kanityore zoaha).



Haikyoohatyatiye ezahe maihya tyaonare hawenakala hoka, tyaonita atyo etahiyakahare eye nali,otene atyo hatyo akiti tyaonita kajiyezareze? Hoka haikyoohatyatiye hakita tyaonitere akiti, waiyenaya hatya hiye haikwahe-ta.

Tyotya hitahiyakahare waiyehena hitsomeheta hahaikwahane

- 1) Iyakaniti hitahiyakahare kakware (hinyama maniya);

2) Hitsaonitere aotse tahiyakahare, aliwaikateharenae hitiya nikareta tyomehena.
- 3) Tyakekotyati zaototatyakalati maiha zoare hakazaimaiminitita (otene atyo); otene atyo maiha hikyakotaneta hoka.

4) Kazemeretitere witso,hatahiakahare hotikehena, eye haikwahatyatiyenae ena anere zoimyahaliti inityohaliti ana zoaha(tsorare/kananohitidyahare hawenakalakware).

Hiyayehenaidya: ezaheya maiha haikyoohatyatiye hotikitsakala kikitsakala aka hoka kawaiyakihitita etahiyakahare.

(Aliwaikyatehare) nawenane hotikitsakala

- 1) Awaiyekehalakaita enawenane tahi alyako waikyohera zamani tyaonita;

2) Awaiyekehalakaita enawenane enowaiyore tahi hoka hatya hitiya hotikitxita ewaikyohera maheta;

3) Haiyana tahiyakaharenae tyakekota ali waikyatehare
- hawaikyoherakwa hawenakalak-wa tyaonitere;

4) Etahiyakahare aototaita tyakekota enawenankwa;

Hiyayehenaidya:hokotyaya aliwaikatehare hahotyali taitere tyaonitere, hatyo taita ehotyalihare waikyohekwa hotikitxita tyaonitere aiti.

Etahiyakahare hotikitsakala (aliwaikatehare)ara

- Etahiyakahare kaitserhare iyakaniti kakware.
- Ezaheya haikyoohatyatiye maiha katahiyakahareze hoka, tahiyakahali kzaikyotere nali etahiyakahare hoka waiyehenaya haikwaheta. 12 o alistamento

3) TYAKEKOTI ZAOTOTATYAKALATI

Eye waikyohekwa, tyaonita haikyoahatiye-nae etahiyakahare waiye kehalaka mokita, tyotya akitinae awaikehalakaita:

- I – Haikwahatyati kinyoliditi (TSE)
- II – Haikwahatyati Kinyoliditi kanokwahare-nae (TREs)
- III – Haikwahatyati kazaikotyatse;
- IV – mainikere haikwahatyatiye.

Haikwahatyati kinyoliditi (TSE), Haikwahatyati Kinyoliditi kanokwaharenae (TREs) Tyaonita zalakakwa hiye hinyama hiye takwa hotyali tyaonita, hetakatiyenae hinyama terehokwane tyokahitaha.

Tyaonaite haikyoahatyatiye kinyolidinae hatya waikyoye jikini ikinyolidi nali hitiya. Eye witsa-onitere waikyoherakwa.

Waikyohekwanae nihatyaka kajidyakaka haikyoahatyati. Hatya haikyoahati kafetalere tyaonita hakazaekonekwa miayane kitxia, hayakitinae waiyehena hinyama ezaheze haikyoahatyakalati tyaona enawenakalakwa.

Tyotya haikyoahatyakalati akiti atyo, tyoonita kazaikyotyatiye kazaekyotyatidyo, aototaetere wenati,hoka imiane hazerore kajihyatyakihitita zehaikwahatyati,hoka kazaekyoterena, kanokwahalitinae, ahetakatiyenae kakwa ihatehitita tyotya haikyoahatyatiyenae akiti eta. Hoka tyotya ahetakatiyenae waiye tyomita ehekoreze tyaona maheta tyotya jikako.



4) TYAKEKOTYATI ZAOTOTATYAKALA

Haikyoohatyati jikako,hoka kahotyali-harezenae zalanae zamani zawatyatiye-nae maheta, tihyalota imyakore kitxiya haikyoohatyati terehokwane.

Zawatyatiyena, kahotyaliyena waiyehenaite haheta maniya imyakore kitxiya hatahiyakahare tyoma, hatahiyakahare mematya maheta. Kakinyotya hoka hatyojikyakota hazahakola moka ,hoka ehotyalinae ite ayatelikihina ezahekola kanokwahalitinae ana.

Kahotyaliye hazahakolaha mokahitaha,haikyahatyatiyena ana, hakyohatyatiyena ite tyakekohena zawatyatiyena hoka tyokaha maheta.

Kaketa hotikitsaka zahekore haihyoohatyati hiye, hokotyaty,zaedyatitse hiye,tsemaktyakalati,wahakotyakalati, hatyohokota waiyehotyalsotyati heko tonahore hiye zoaha hatya zakini atyo hawarehare. Tsemaktyakalati wahakotyakalati mazaimanehare txiyita hali kaimyare hakahe mainikere. Hinyama terehokwane nihyatyaka tyaonita haikyoohatyati tyaonita eye emainikene waikyohekwa, txiyalokotyakakware tyaonita haikyohatyati tyaonita.

Hetati hakyohatyati terehokwane tyaonita mawaiyeze ferakene. Wenakalatikwarenae atyo kahare haikyoohatyatiye tyaonita, hoka maihaya hatyanae hetatiye hiyeta hiyota hoka, hatya ya tyaonehitiya haikyoohatyati, miyanetiye mawaiyeze ferakene one zowaka.

Hatyo hiyeta, hinyama zawatyatiye zala ana zamani matsakare kahaihyoohatyakeheta hoka tyoka maheta.

Hakyoohatyatinae hakakwa kware, zowaka atyo kazomokakita zawatyatiyena ahetakatiyena tyaona maheta,(a Presidente da República (e Vice-presidente), Governador de Estado (e Vice-governador), Senadores (e dois Suplentes), Deputados Federais e Deputados Estaduais ou Distritais).

Zalakwa terehokwane zakini, kazomokakita,tyaona hatya hinyama ahetakatiye maheta. Matsakareya kanokwahaliti aoka waiyehena kazomokaka zalakwa terehokwane zakini.

Hatyojikyakota makere kahare hateniti katawakita, haikyoohatyati totere kazomokakita zaihyoohatyati hiye.

Hetakatyatiyena hotyali.(Deputado Estadual; 3º Senador e Suplentes; 4º Governador e Vice-governador e, por fim, 5º) Presidente da República e Vice-presidente). Hakware kidyanekare wenakalati ahetakatiyena:1º) Vereador e 2º) Prefeito e Vice-prefeito.

Hinyama ferozati hiyeta atyoite kazomokakehena ahetakatiyena hotyali kazomokakita. (Presidente da República, Governador e Prefeito). Hanama ferozati hiyeta kazomokakehena ahetakatiyena



katyahakohare hotyali. (Senador e os seus suplentes). Zalakakwa ferozati hiyeta kazomokakehena ahetakatiyena katyahakohare kanokwahare hotyali. (Deputado Federal). Halakwa hahe ferozati hiyeta kazomokakehena ahetakatiyena katyahakohare kanokwahare kidyaneze hotyali.(Deputado Estadual, Distrital e Vereador)

Haikyoahatyakalati atyo tyotyakwa eye waihyohakwa kamomokakita. Haikyoahatyakalati Aomatikitsa ali ozakita tyaonitere-nae, (eye1995 ozaka txitere 25 terehokwane), haikyoahatyatiye atyo hetatiye kakinyotya eye (1996) kanokwahalitinae kakware. Zalakakwa terehokwane natxikinita haikyoahatyakalati tyotya ana kaotyaka kaoka zooha.

Haikyoahatyakalati kaitserhare mahaya waiye takoita hoka, hatya emetalahare kazomokaka ewenekware, maiha ehekore tyaonita tyotya anere.kalikini jikako maiha komitadyaene tohiya akere kazomokakehetere. Haikyoahatyati kingolidi kalikini hazeroreta hotikihitita zaokanikitsaka.

5) ENEHAIKYOARENE

Waiye hakakwa hazawatya maheta kaomakita tyakekoti zaototatyakala, tyotya anere zane waiye tyaona maheta.

Maiha Zoana zowaka ewa-jidyahare maniye kazao-totyakita hoka tyakekoti zafihitsakala.

5.1- enehaikyoarenenae

Hanama enehaikyoarene:

1) Enehaikyoarene terotere tyaonitere:

enehaikyoarene amalere, zane tyaonehitita kidyaneze.

2) Enehaikyoarene terotere tyaonitere hai-kyoahatyatiye:

tyotya waiye tyaona makere enaotse rotaite kazomokaka kahotikitsaka hiyahekola, hihy-atene, mahaya aliakere hiyahekola enahitita hamokita, hahekoitere zomokaka eye hikwa-nokwaharenae ana,nikare ya hakakwa tyaona tyotya anere.

Eyenae enehaikyoarene maiha aliyare zoare hitsomita zafihitsatyati hiye, hokotya maiha-ya aliyakere kazaimyanetita eye zawatyatiye niyaterere olo zema mokita.

3) Enehaikyoarene ehenehare: hatyo ehenehare kaitserhare hakwarenae ana. Eyenae atyo ehenehare kaitserhare, hawaze ya hatyo nonita hitsaona kazazaimyatyakehe-na, zoana zamani eye haikyoahatyakiye kazemaitsatyaka, hatyojikakona.

Tyotya iniyalahare maniya matsakare mokita, ikinyolidi kaitserhare atyo kakinyotita. Komitaine atyo tyotyanae ana ekatya-hakore niyaterere tyaonita, eye wenati hinyama terehokwaneze.

Aitsahekoharetita, alitereze kaiwita kahotikit-sekehena eye kazemeretyoawi maheta. Kinyoliditi kaitserhare kakinyotita koihyakita. Kinyoliditi katyahakohare atyo waiyeta koihyakatyatiye amalere nahitita. Eye mianetiye wenati ite kawaiyakehena eye hinyama zalakakwa terehokwane hiye, hatyao-tsetaite kawaiyakehena ,zala anaete kazazaimanetyakehena, eye kazaikoterena kanok-wahalitinae.



5.2 – Mahokwanetyati kaitserhare

Hinyama enehaikyoharenenae kaitserhare hiyeta,tyaonita etahiyakayare – SIROPI; zahekore mokita kanokwahalitinae ana “ iyeta haikyahatyatiye”.

Tyotya Enehaikyaharene ewajidyaharetita hateniti mokita makere

Tyakekoti zafihitsakala zakaitxita zahekore waiyeze. Mawanyamaita, hokotya, aototaitere eye ekaitserhare zahekore maniya, hatyo ya maiha kaomakita hoka eniyalahare zane tyaona.



5.2 - Mahokwanetyati kaitserhare

Metereta waiyehena haikyo-hatyati ferakene zowaka waiyehena kaomamaka

Haikyohatyati ferakene zowaka, waiyehena kaomaka hatya zakini memereta zala ana zamani hahai-kyoheta maheta, hoktya waiyehenaya hakayakanetya taita. Mahaya aliyakere kinyatyaza hidyaeta, maiha hatya hidyaey-ene tsema maheta.

Mahayatya aliyakereze haikyo-hatyati zowaka zoare ealiti kazomokakita, haferakene nahiti-ta (22 horas), hatyononita hawarehare kaomaka iniyalahareya tyaona haikyohatyati zowaka. Zafihitsakalati atyo mahokwanetita eye kanokwahalitinae hawinyaotse haikyoheta maheta.

Maihaya kahotikitsakita haikya-hatyati

Haikyohatyati kinyolidi afhixita metereta zaikyohatyati. Zahekore kinyohare kaitserhare hatyo aiyatelikihitita afhixita eye ferozati, ekazaekotyotse mahaite hatyo ferozati taikita. Eye ferozati koo-makitere tyotya ana zane kaokita. Nikareya, Maiha zala mokita zotseti zaomatikidya eye hihyaekwahane hitsomitere zowaka, itsomakatya haokowi hoka iniyalahareya hitso-mita.

Hahakyoheta mahaya aliyakere hinyamaki hahai-kyohita ezahe hatya wenekware hekoti

Hatya kanokwahaliti zaidy-atyore waiyehenaya tyaona enomana haikyohati. nikareze atyo afhixita hatya zakini ana haikyohatyatiye hiye. "Nikare atyo tyaonita hatya zakini ana". Nikare tyaonita haikyohatiyenae maiha hatya neare kakwa zala kanokwahaliti neare kakwa haikyohiti-ta, mahaya haikyohatyati kamiyanekitxita, nikaretaya iniyalare tyaona.

Tonakalali emahakore haikyohatyatiyenae ana

Okoe haikyohatyati ferekene-hena hoka, tyakekoti zafhixita sakala taita ya waiyehena tonakalati moka mazaemane-hare haikyohatyatiyenae ana, eferakenehena hoka haikyohatyatiyenae kakolatya maheta, matsakare tseko haikyohatyatiyenae tyaoniterenae zane kaoka enaotse akiti maheta. Eye tonakalati haikyohatyatiyenae zane iwinyootse-ha zane haikyoheta maheta.



Mahaya aliakere hakayakanetita hihyaekwahane, hatyo atyo ewajidyahare

5.2 - Mahokwanetyati kaitserhare

Mahaya zoare ehaikware ezaoretita eye haikyohatyati tahi

Mahaya zoare maotserare aomatikitxi hahotyali, haterore tahi, maiha zoare ewajidyahre iniyalahare kaokita kanokwahalitinae ana. Nikareya waiyeze maiya taita kazomokaka tyotya tahiya kaharenae waiyeze taita ya kaoka kanokwahalitinae ana.

Eye terehokwane (2021), eye ferozati (Lei n° 14.192/2021) , tyaona ahitsa-

haretya niyahare, tyotya hotikitxita kahotyaliyena ana. Hoka ahitsatita enehaikyoarene tyomitere wenati tahi, tsemakatyakalati hiyeta, totya idyayeti ewajidyahare tyaonita, ohidyo tahi yakalo, tyotya kahotyaliyena tahi.

Eye waitare jiyehaliti maholaita maotserare. Hoka hatyo ahitsaitere mahaya matsakare maotserare etahi yakahare idyayeta: maotserare ekaetserehare wenati konita tyaonita haikyoahatyati zawatyati hotyali koni.



6) Maotserare

Kinyolidi hetakatyatiye zaototatyakala hakamiyanitita eye maotserare. Eye zakaitsakalati matsare waiye hatya haokanikitsa maheta, hoka nikyareta maotseratyati aiyane tyomita zakait-sakalati tahi.

Witsaonitere Brasil, eye 1996 kaakwa zakaitsakalati ferozati kyakware, hoka haiyaharenae hekota eye maotsetati tyomita, hoka maiha zoare hare etahi-yaka kahotikitsakitia kalini kitxiya.

Waheta ite kahotikitsake hena eye maotserare kazemaitSATyaka niyahare eye tsemakalatinae hiye.

Hiyaiyehe, hakahinyaitya witso eye maotserare wakamiyanitya maheta.



Zakaetsakalati idaetyakali zoaha, hiye atyo awaikelhalakaeta tyotya ekaetserehare zafihitsati tahi. Hoka mawayekahalakita homana etahiyakahare hoka mawaiyaka-hare hiye, hoka ekaitsererehare hiye hitsoa hoka waiyekehalaka homana

(www.justicaeleitoral.jus.br/foto-ou-boato)!

Hatyo zematyo kawaiyakita tyotya anere.

Haikyoahatyakalati kazaekotyatse

Maotserare: Haikyoahatyakalati kazae-kotyatse haya idyaeta ezaokaka maiha katyakekotyakere eye jajikazere zema.

Alitere: hatyo kazaekotyatse ferozati kakware metere maiha hawarehare hatyo hiyeta zomokakamaheta. Ferozati hatya ferozati hiyeta kaokakoita tsema akalati kakware, hatyo hiyeta mahaya aliyakere hawarehare hamokitene.

Maotserare: hayaharenae hekota idy-aeta ematyakekone tahi.

Alitere: tyakekoti zafihitsakala, ihitxi-yatseta tehitiya waiyita, ekaitsererehare tyaona maheta, ferozati zema kazomokakitere. Haikyoahatyakalati ako waiyehetita hiyotyati tahi. Hatyohiyeta, kajimiyaeterenae atyo motyatsetya haikyoaheta ekaitsererehare tyaona maheta ezakaetsakala ako.

Maotserare: Haikyoahatyakalati kazae-kotyatse haya idyaeta maotserare zaokaka, maiha katyakekotyakere eye ezakaetsakala ako.

Alitere: zakaetsakalati akota ahikwahitita etahiyakahare hohitsakwane miyane. Tyotya anere tyaonita tsema maheta, hoka tyotya ferozati haikyoahane kawaiyakihitita ehohitskwane ikinyolidi hana nali TSE.

Maotserare: zajikyazere metalahare alitere maiha zoana heko kakikitsakita haikyoahatyatiako.

Alitere: Kaketa aho waiyehena kawaiyaka ekaitserene naho zomokaka. Hatyonae: haikyoahati zomokaka, waiye kzaikyota-hene, hatyo hiyeta waiye katxihiyotyakita tyotya eferoza zakini. Zoana zamani, waiyehena ya kazaka eferozanae hahiye-ta kakware, kawaiyaka haferakene.

Maotserare: maotserare zaoreta maiha zakore haikyoahatyakalati halakitsare zakore:

tyakaetxita haikyoahatyakalati ako, eyenae atyo heko tyaonita haikyoahatyati ako hoka mahaya aliyakere kazakaetsakita. Hoka haikyoahatyatiye haikyoaheta maheta hatetere kahotyali-yeharenae ana maheta.

Awaiyezakaharetya

Ekaetsereze awaiyezakaharetya
Ekahinyaetyatse eye ihinyae kaitse-
hare hotyalinae aliwaekateharenae
kazaekotyatse eye

Coordenação Regional da FUNAI em
Cuiabá/MT:
Benedito César Garcia Araújo
Márcio Carlos Vieira Barros
Oneizir de Cássia Monteiro da Silva.

HALITI ZAKO ZATXIYA-
KITSATSENAE:

RONY WALTER AZOINAYCE PARES!
CACIQUE DA ALDEIA WAZARE

ANGELO KEZOMAE
PROFESSOR DA ALDEIA KOLIDIKI

JURANDIR ZEZOKIWARE
PROFESSOR DA ALDEIA FORMOSO

GELSON ZEZOKIWE
PROFESSOR DA ALDEIA CABECEIRA DO SACRE

LINO ZOKENAZOKAE
PROFESSOR DA ALDEIA KOLIDIKI

IVO ZOKENAZOKEMAE
CACIQUE DA ALDEIA RIO SACRE

ROSANGELA ZOKENAZOKERO
MEMBRA DA COMUNIDADE RIO SACRE



Tyotya Mainikere Kingoliditinae tyakekoti zaototatyakala eye Mato Grosso

Presidente

Des. CARLOS ALBERTO ALVES DA ROCHA

Corregedora

Desa. NILZA MARIA PÔSSAS DE CARVALHO

Ouvidor Eleitoral

Dr. JACKSON FRANCISCO C. COUTINHO

Diretora da Escola Judiciária Eleitoral

Dra. ANA CRISTINA SILVA MENDES

Diretor-Geral

MAURO SÉRGIO RODRIGUES DIOGO

Secretário Judiciário

BRENO ANTONIO SIRUGI GASPAROTO

Secretária de Administração e Orçamento

TÂNIA YOSHIDA DE OLIVEIRA

Secretário de Gestão de Pessoas

VALMIR MILOMEM SANTOS

Secretário de Tecnologia da Informação

DR. LUIS CÉZAR DARIENZO ALVES

Assessora da Presidência

CRISTIANE MANZANO MANOEL

Coordenador da Corregedoria

CARLOS LUANGA RIBEIRO LIMA

Coordenador de Controle Interno e Auditoria

DANIEL RIBEIRO TAURINES

Assessora de Comunicação Social

ANDREA MARTINS DE OLIVEIRA

Assessor de Plan. e Gestão Estratégica

ANDRÉ LUIZ RÉGIS EMIDIO

Assessor Jurídico

LÉO MONTEIRO COSTA E SILVA





Coordenação

Desa. Nilza Maria Pôssas de Carvalho
Corregedora Regional Eleitoral
TRE-MT

Dr. Antônio Veloso Peleja Júnior
Juiz Auxiliar da Corregedoria
Regional Eleitoral

Equipe Técnica

Carlos Luanga Ribeiro Lima Daniele
Cavalcante Dias
Gustavo Leandro Martins dos Santos
Karina Dziedzic
Kelsen de França Magalhães
Nara Assis
Patrícia de Castro Sousa Simionato
Sueli Sanae Shimada Ueda
Tiago Lima Magalhães da Cunha
Viviane Zaitum

Projeto gráfico

Daniel Dino de Sousa Cardoso
Vinnicius Araújo Fixina

Imagens

Acervo Funai



**Tribunal
Regional
Eleitoral
de Mato Grosso**

